

# Musa minta rakyat Sabah jauhi budaya biadab benci pemimpin

NST 04.09.2012 |

KOTA KINABALU: Ketua Menteri Datuk Seri Musa Aman meminta rakyat Sabah, khususnya golongan muda, menjauhi budaya membenci pemimpin yang keterlaluan sehingga sanggup memijak gambar dan sebagainya.

Sambil menyifatkan perbuatan tersebut sebagai biadab, Musa berkata perkara sedemikian tidak sepatutnya berlaku di negara ini.

"Itu bukan budaya kita dan itu bukan budaya orang Malaysia. Bagi kita di Sabah, kita tidak seharusnya biadab terhadap pemimpin kita...kita seharusnya menghormati orang-orang tua dan pemimpin kita.

"Kita seharusnya berterima kasih kepada pemimpin kita khususnya Perdana Menteri yang begitu prihatin terhadap keperluan rakyat," katanya kepada pemberita selepas menyampaikan amanat kepada penuntut baharu Universiti Malaysia Sabah (UMS), di Likas dekat sini kelmarin.

Musa diminta mengulas tindakan segelintir pihak memijak gambar Perdana Menteri Datuk Seri Najib Tun Razak dan isteri Datin Seri Rosmah Mansor pada Himpunan Janji Bersih di Dataran Merdeka, ketika sambutan ambang merdeka sempena Hari Kemerdekaan

ke-55 Khamis lepas.

Musa berkata Perdana Menteri memperkenalkan bermacam projek dan dasar yang kesemuanya menjurus kepada pembelaan nasib rakyat termasuk anak-anak muda atau pelajar.

"Inikah balasan kepada pemimpin kita yang baik hati? Kita seharusnya bersyukur dan berterima kasih. Jadi saya minta rakyat Sabah jangan ikut budaya yang biadab. Kita bersyukur kepada Perdana Menteri lebih-lebih lagi kepada kerajaan BN (Barisan Nasional)," katanya.

Sementara itu, mengulas mengenai peningkatan pelajar di UMS untuk sesi akademik kali ini termasuk pelajar antarabangsa, Musa berkata perkara itu satu perkembangan baik yang menunjukkan UMS kini turut terkenal di peringkat antarabangsa.

Untuk sesi akademik kali ini, UMS menawarkan 5,068 tempat berbanding 4,606 tahun lepas, manakala pelajar antarabangsa pula meningkat tujuh peratus.

Terdahulu dalam ucapannya, Musa berkata kerajaan Sabah akan terus komited dan bekerjasama dalam membantu segala usaha ke arah kemajuan dan peningkatan



1MALAYSIA ... Musa (tiga dari kanan) bersama Harun (tiga kiri), Hamid (dua kanan) bersama pegawai dan para pelajar baru UMS melaungkan 1Malaysia kelmarin. - Foto EDDIE ANGAT - eddie@newsabahtimes.com.my

tahap pendidikan tinggi negara.

Beliau berharap pelajar baharu itu dapat menumpukan perhatian penuh kepada pelajaran dan tidak

terlibat dengan aktiviti tidak sihat yang hanya merugikan mereka.

Turut hadir pada majlis itu Naib Canselor, Prof Dr Mohd Harun Ab-

dullah, Pengerusi Lembaga Pengarah UMS, Tan Sri Hamid Egeh dan Lembaga Pengarah, para pegawai kanan UMS dan dekan-dekan.